

# Øystre Slidre kommune

## Saksframlegg

**ArkivSak:** 21/808  
**ArkivID:** K1-141, PLANID-202102  
**Saksbehandlar:** Anne Karen Olsen

Saksnr.	Utval	Møtedato
43/23	Formannskapet	22.06.2023

## Vurdering av innspel med habilitet innspel 13

### Tilråding

Formannskapet ber kommunedirektøren innarbeide innspel 13a og 13 b, men ikkje 13 c, i det utkast til revidert arealplan som skal sendast på høyring.

### Bakgrunn for saka

På bakgrunn av sak: *Vurdering av innspel- arealbruksendring* tatt opp i formannskapet 10.03.2022 og habilitetsvurdering handsama i kommunestyret sak 18/22 skal innkomne innspel til KPA nummerert med innspel nr. 13 a, b og c, innspel nr.100, innspel nr. 103 og innspel nr. 104 bli handsama for seg sjølv, slik at dei innspela det er knytt inhabilitet til for einssilde formannskapsmedlemmar vert handsama separat. Om ikkje ville eit fleirtal av formannskapet sine medlemmar blitt inhabile til å handsame ei fellessak om alle innspela var samla i same sak.

I denne saka er det innspel 13 a, b og c som vert handsama.

### Saksopplysningar

I kommunestyresak 18/22 heiter det:

*«Den generelle regelen er at i ein plan som er omfattande og som gjeld for svært mange, og for KPA sin del alle innbyggjarane i kommunen, vert grensa for inhabilitet heva.*

*Det vil vera nokre generelle problemstillingar om habilitet som ofte vert reist i samband med KPA, og det er teneleg at desse problemstillingane vert drøfta samla og i forkant av handsaming av utkast til KPA i formannskapet og handsaming av KPA i kommunestyret. Vedlagd notat reiser nokre relevante problemstillingar. Vurderinga som er gjort i notatet er sjekka med KS-adv. Lauareid, og han har ikkje merknader til dei vurderingane som er gjort.»*

Vedtaket i KS- 18/22 er som følgjer:

*«Kommunestyret sluttar seg til vurderingane i vedlagd notat om grunnlag for vurdering av habiliteten til kommunestyremedlemmar i samband med revidering av arealdelen av kommuneplanen (KPA).»*

Med bakgrunn i vedtaket i KS-sak 18/22 har ordførar og varaordførar gått gjennom og kartlagt moglege habilitetssituasjonar for formannskapsmedlemmane og kommunestyremedlemmane. Dette grunnlaget er nytta for å kunne legge opp handsaming av dei innkomne framlegga til endring av KPA på ein slik måte at vi sikrar at

formannskapsmedlemmar og kommunestyremedlemmar ikkje deltek i handsaming av saker der dei er inhabile, samtidig som inhabilitet i ei konkret sak ikkje fører til at vedkomande representant vert inhabil til å ta del i handsaminga av heile KPA-en.

På bakgrunn av vedtak i KS-sak 18/22, kartlegginga av mogleg inhabilitet og vurderinga over vil følgjande fire innspela bli handsama som eigne saker i formannskapet:

- 13 a, b og c
- 100
- 103 og 104

Dei andre innspela vert handsama i ei felles sak.

### **Vurdering**

Vurderingane av innspel 13 a, b og c bygger på same metodar som vurdering av alle andre innspel. Vi viser til omtale om dette i fellessaka.

Innhald og vurdering av innspel 13 a, b, og c er følgjande:

### **Sak 13**

Område Smådalssvingen mellom Lidar skule og Myhre Gård

***Internnummer: 13a***


*G/Bnr: 7/10*

Størrelse:

Planstatus:

**Innspelet:**

Arealbruksendring, frå boligbebyggelse til LNFR.



Figur 78. Omregulere store deler av det gule området.

### **Vurdering:**

Grunneigar har foreslått å ta ut areal som har vore avsett til bustadområde i Smådalssvingen. Det er ikkje behov for KU og ROS på dette innspelet. Kommunen er positiv, særleg med tanke på ei ev. justering av fylkesveg og/eller utbygging av gang og sykkelveg i dette området.

<b>Tema</b>	<b>Status</b>	<b>Forklaring (kunnskapgrunnlag)</b>
Kulturminner	Ok	
Naturmiljø	Ok	
Samfunnssikkerheit (ROS)	Ok	
Støy (samferdsel)	OK	
Vatn og avlaup		
Statlege planretningslinjer	Ok	
Arealstrategi	OK	

Barn og unge	Ok	
Anna		

### **Tilråding:**

Kommunedirektør tilrår at innspelet blir teke inn i plan.

### ***Internnummer: 13b***


*G/Bnr: 7/10*

Størrelse:

Planstatus:

### **Innspelet:**

LNFR til næringsområde.



*Figur 79*

### **Vurdering:**

Dette er eit større areal som ligg ved Bygdinvegen, omtrent 4 km frå Beitostølen sentrum. Arealet er ynskja omdisponert til næring, samsvare med det som er ynskjeleg etter planprogrammet og innspel nr 12. Det har vore drøftingar med grunneigar, og kommunen har gjort ein intensjonsavtale om kjøp av areal nord for Olevegen til nytt næringsareal dersom dette arealet vert teke inn i arealplanen. Grunneigar ønsker å tilby arealet sør for Olevegen til landbruksrelatert næringsområde, t.d. ridesenter.

Tema	Status	Forklaring (kunnskapgrunnlag)
Kulturminner	ok	Par kulturminner registrert i øvre del
Naturmiljø	OK	Funksjonsområde i øvre del
Samfunnssikkerheit (ROS)	Ok	
Støy (samferdsel)	ok	Gul og raud støysone. Ok i forhold til at det er tenkt næring her.
Vatn og avlaup	ok	
Statlege planretningslinjer		
Arealstrategi	ok	
Barn og unge	ok	Ingen spesielle forhold.
Anna		

### **Vurdering av konsekvens ved endra bruk av areal:**

Store deler av arealet er uproduktiv skog, med dyrkbar jord. Ein liten del er skog av middels bonitet. Arealet ligg langs ein etablert hovudveg. Arealet har noko helling og vil krevje noko arealinngrep. Arealet ligg 4 km unna sentrumskjernen på Beitostølen. Det er noko anna bebyggelse i området. Området kan skjermast frå hovudveg, noko som vil vera viktig for å hindre visuell forringing med næringsverksemd her. Eksisterande veg (fylkesveg 51) er alt etablert for større mengde trafikk. Retten til å nytte nedre del av Olevegen må avklarast, og denne delen må rustast opp.

### **Tilråding:**

Kommunedirektør tilrår at innspelet blir teke inn i plan.

**Internnummer: 13c**


G/Bnr: 7/110

Størrelse:

Planstatus:

**Innspelet:**

LNFR til fritidsbebyggelse



Figur 80. Området oppe ved Hedalsstølane.

**Vurdering:**

Tema	Status	Forklaring (kunnskapgrunnlag)
Kulturminner	Ok	Eit par fjernmålte kulturminner i området
Naturmiljø		Noko myr, elles torv/morene. Deler av området er viktige naturtypeområde.
Samfunnssikkerheit (ROS)	Ok	
Støy (samferdsel)	Ok	
Vatn og avlaup	Nei	
Statlege planretningslinjer		
Arealstrategi	Nei	
Barn og unge	Ok	Ingen spesielle forhold
Anna		

**Tilråding:**

Kommunedirektør tilrår at innspelet ikkje blir teke inn i plan.

**Formannskapet 22.06.2023:**

**Behandling:**

Arnfinn Beito gjekk frå som inhabil. Morten Steinsrud møtte som vara.

Tilrådinga samrøystes vedteke.

**FS- 43/23 Vedtak:**

Formannskapet ber kommunedirektøren innarbeide innspel 13a og 13 b, men ikkje 13 c, i det utkast til revidert arealplan som skal sendast på høyring.